



資治通鑑綱目卷之十六

明 史官陳仁錫評閱

起癸酉漢後主延熙十六年  
盡巳亥晉武帝咸寧五年

**考異**

據凡例分註後主二

字當作  
帝禪

凡二十七年

癸酉 十六年

**魏**嘉平五年  
**吳**建興二年

春正月盜殺大將軍費

禕

初姜維攻魏西平獲中郎郭循以為左將軍  
循欲刺帝不得近每因上壽且拜且前為左

可為邈怨  
之戒

右所過事輒不果至是費禕與諸將大會於漢壽歡飲沈醉循刺殺之禕汎愛不疑待新附太過張嶷嘗與書引岑彭來歙為戒禕不從故及魏追封循為鄉侯使其子襲爵

**集**

**覽**漢壽本廣漢葭萌縣地先主改漢壽縣屬梓潼郡晉武帝改晉壽郡今利州是引岑

彭來歙為戒光武時岑彭攻成都公孫述遣人刺之來歙攻蜀將王元於下辨蜀使人刺

之

**質實**

西平縣名注見獻帝建安十三年漢壽蜀漢縣名屬廣漢郡晉改晉壽縣

後魏改興安縣置晉壽郡及益州梁改黎州西魏復曰益州又改利州隋初郡廢後改縣

曰綿谷州為義成郡唐復為利州又改益昌郡五代時唐改益州宋置寧武軍後置利州

路元為廣元路 本朝改為  
縣屬保寧府張嶷南充人

**書法**

盜者何降人郭循也麻秋殺符洪則  
書故趙將晉穆帝永和六年循故魏

臣也志在復讐則其書盜何逆順異辭且  
咎禕也曷為咎之身為漢大將軍而盜得  
殺之亦不得不任其咎  
矣故書曰大將軍費禕

**發明**

此郭循也既為左將軍秩亦尊矣何  
以書盜彼固盜賊之靡耳循苟欲忠

於所事何不死於見獲之時既受漢爵乃  
復挾匕首以為姦此正豫子所謂既已委  
質為臣而又求殺之是二心者也循之所  
為如此不過徼利於魏是特穿窬之下者

耳以盜書之  
夫豈過哉

# 二月吳諸葛恪擊魏

擊魏雖見  
玩寇則非  
復諫逞威  
適足以殺  
其身而已

吳軍還自東興，加諸葛恪荆揚二州牧、督中  
外諸軍事。恪遂有輕敵之心，復欲出軍。諸大  
臣以為數出疲勞，固諫不聽。中散大夫蔣延  
固爭，恪命扶出。因著論以諭眾曰：昔秦但得  
關西耳，尚并吞六國，今以魏比秦，土地數倍  
以吳蜀比六國，不能半也。所以能敵之者，但  
以操將兵衆，於今適盡，而後生者未長。又司  
馬懿隕斃，而其子幼弱，專國雖有智計之士  
未得施用，是其厄會也。若順衆人之情，懷偷  
安之計，以為長江之險，可以傳世，不論魏之

有高祖之  
雄略始不  
妨于數攻

終始而以今日遂輕其後此吾所以長歎息  
者也今衆人或以百姓尚貧欲務閑息此不  
知慮其大危而愛其小勤者也昔漢祖幸已  
自有三秦何不閉關自娛而數出攻楚豈其  
鋒刃而忘安寧哉每鑒荆邯之說近見家叔  
父陳表未嘗不喟然也衆人皆心以爲不可  
莫敢復難獨滕胤謂曰君前破彊敵天下震  
動今猥以勞役之後興師出征民疲力屈遠  
至有備若攻城不克野掠無獲是喪前勞而  
招後責也且兵者大事事以衆濟衆苟不悅  
君獨安之恪又不聽遂大發州郡二十萬  
衆復擊魏以滕胤爲都下督掌統畱事

**集**

**覽**

荆邯之說光武建武六年公孫述自帝蜀  
中荆邯說述起兵家叔父陳表諸葛亮恪

之叔父也陳表謂所陳出師表

**質實**

東興隄名注見延熙十五年滕胤北海人

### 夏四月姜維伐魏圍狄道

觀後諸葛恪之敗則費禕之謹守未可少之也

維負其才武欲誘諸羌胡以為羽翼謂自隴以西可斷而有每欲大舉費禕嘗裁制不從與兵不過萬人曰丞相猶不能定中夏况吾等乎不如保國治民謹守社稷如其功業以俟能者無為微倖決成敗於一舉若不如志悔之無及及禕死維遂將數萬人伐魏圍狄

道

**集覽**

狄道縣名注見高后六年

### 吳師圍魏新城不克

魏之委新  
城亦恃有  
張特耳觀  
特詐慰吳  
人語可見

初諸葛恪入淮南。或曰宜圍新城。俟收至而圖之。可大獲也。恪從其計。魏司馬師問於虞松曰。今二方皆急。而諸將意沮。若之何。松曰。昔周亞夫堅壁昌邑。而吳楚自敗。事有似弱而強者。不可不察也。今恪悉其銳衆。足以肆暴。而坐守新城。欲以致一戰耳。若攻城不拔。請戰不可。師老衆疲。勢將自遁。諸將之不進。乃公之利也。姜維投食我麥。非深根之寇。且謂我分力於東。是以徑進。今若使關中諸軍倍道急赴。出其不意。殆將走矣。師曰善。乃使郭淮陳泰解狄道之圍。敕毋丘儉等案兵自守。以新城委吳泰。至洛門。維果以糧盡引還。魏揚州牙門將張特守新城。吳人攻之。連月城中兵合三千人。疾病戰死者過半。而恪起



兵

土山急攻城將陷特謂吳人曰今我無心復戰也然魏法被攻過百日而救不至者雖降家不坐自受敵以來已九十餘日矣城雖陷尚有不欲降者我當還爲相語條別善惡明早送名且以我印綬去爲信吳人聽之特乃夜徹諸屋林柵補其闕爲二重明日謂曰我但有鬪死耳吳人大怒進攻之不能拔會大暑吳軍病者大半死傷塗地恪內惟失計忿形於色將軍朱異以軍事迂恪恪奪其兵都尉蔡林數陳計不用策馬奔魏魏諸將伺知其兵已疲乃進救兵七月恪引去士卒傷病流曳頓仆哀痛嗟呼而恪晏然自若詔召相銜徐乃旋師由是衆庶失望而怨讟興矣汝南太守鄧艾言於司馬師曰孫權已沒大臣

未附恪不念撫恤上下。以立根基。乃競於外事。載禍而歸。其亡可待也。

**集覽**

新城

合肥新城也。堅壁昌邑。吳楚自敗。景帝時吳王濞。楚王戊反。周亞夫堅守昌邑。不戰。吳楚

自叛而去。洛門聚名也。在天水郡冀縣。洛一作落。家不坐。謂不坐家人之罪。柵補。編木為

營寨。曰柵。流曳頓。什流。謂流離也。曳。牽引也。頓。什。僵。什。倒地也。蓋喻其士卒傷病之狀。

**質實**

一統志云。新城在廬州府無為州城南一十五里。乃三國吳諸葛恪所築。以居

新附之人。故名新城。郭淮。陽曲人。陳泰。潁川人。鄧艾。棘陽人。

冬十月吳殺其大傅諸葛恪。以孫峻為丞相。

苟無相銜  
之召則恪  
已設于魏  
天尚何尤

并尸夷族  
處恪亦太  
過矣

二語當書  
諸紳

恪還建業、陳兵入府、卽召中書令孫默、厲聲謂曰：「卿等何敢數妄作詔、征行之後、曹所奏署令長職司、一罷更選、愈治威嚴、多所罪責、改易宿衛、用其親近、復嚴兵欲向青徐、孫峻因民怨衆嫌、構恪於吳主亮云：欲爲變、遂與亮謀置酒、請恪伏兵殺之、以葦席裹尸投之。」石子岡、并夷三族、臨淮臧均表請聽故吏收葬、從之。初、恪少有盛名、大帝深器重之、而恪父瑋常以爲戚、曰：「非保家之主也。」陸遜常謂恪曰：「在我前者、吾必奉之、同升在我下者、則扶接之。今君氣陵其上、意蔑其下、非安德之基也。」漢侍中諸葛瞻亮之子也。恪再攻淮南、越雋太守張嶷與之書曰：「太傅受寄託之重、而離少主、履敵庭、恐非良計。」卽君宜進言於

裁置御史  
惟意所欲  
恣睢極矣

太傅旋軍廣農務行德惠數年之後東西並  
舉未為晚也。至是果敗。○吳群臣共推峻為

太尉。滕胤為司徒。有媚峻者言萬機宜在公  
族。乃表峻為丞相大將軍都督中外諸軍事。

又不置御史大夫。由是士人失望。峻驕矜淫  
暴。國人側目。與胤雖內不洽而外相包容。共

事如  
**集覽**  
曹所奏署曹謂選曹也其所聞奏  
除署者郎君謂諸葛瞻也杜甫詩

郎君玉樹高注古稱貴人子及身嘗事  
其父者曰郎君故藩鎮之子亦呼郎君  
**質實**

一統志云石子岡在應天府南一十五里吳  
志建業南有長陵名曰石子岡臨淮郡名注

見新莽天鳳四年越嵩郡  
名注見武帝元鼎六年

**書法** 恪罪多矣其以無罪書殺何殺不以其罪也綱目之法雖有罪而殺之不以其罪一以無罪書之也

# 吳殺其南陽王和

南陽無何氏不其餒而

和妃張氏恪甥也峻因此賜和死張妃亦自殺其妾何氏曰若皆從死誰當字孤遂撫育其子皓及諸姬子德謙俊皆賴以全齊王奮聞恪誅欲至建業觀變傅相諫奮殺之亦坐廢為庶人

**集覽** 德謙俊三子名

戊

## 十七年

魏

主曹髦正元元年

**考異**

按是年九月司馬師廢其

王芳十月立髦此當分注魏  
嘉平六年主髦正元元年  
春二月魏司馬師

殺中書令李豐及太常夏侯玄光祿大夫張緝

### 遂廢其后張氏

司馬首啓  
廢后之釁  
厥後傳  
太后楊廢  
再傳賈后  
殺于趙王  
倫三傳則  
羊后失身  
于劉曜矣  
昭昭好還  
可不鑒乎

初李豐年十七八已有清名其父恢不悅敕使閉門斷客後司馬師秉政以豐為中書令時太常夏侯玄有天下重名以曹爽親故不得在執任居常怏怏張緝以后父家居亦不得得意豐皆與親善雖為師所擢用而心常在玄魏主芳又數獨召豐語師知其議已詰之不以實告師怒以刀鑿築殺之遂收玄緝下廷尉鍾毓案治云豐等謀誅大將軍以玄代

通鑑綱目  
卷一百一十六  
漢後主延熙十七年  
七  
正編

知其不免  
慷慨就死  
夏侯玄勝  
人多矣

計不萬全  
不求倖免  
荀氏有卓  
識

之緝知其謀遂皆夷三族并廢張后夏侯霸  
之入蜀也邀玄與俱不從及司馬懿薨中領  
軍許允謂曰無復憂矣玄歎曰此人猶能以  
通家年少遇我子元子上不吾容也及下獄  
玄不肯下辭鍾毓夜為作辭流涕示之玄惟  
頷之而已及就東市顏色不變舉動自若後  
允出為鎮北將軍與魏主芳別涕泣歔歔師  
諷有司奏其罪徙樂浪道死豐弟翼為兖州  
刺史師遣使收之翼妻荀氏曰可及詔書未  
至赴吳何為坐取死亡左右可同赴水火者  
為誰翼思未答妻曰君在大州不知可與同  
死生者雖去亦不免乃止死○初李恢與尚  
書僕射杜畿及東安太守郭智善智子冲有  
內實而無外觀州里弗稱也冲嘗與豐俱見

並名竟何  
如實德

傅嘏卓識  
三國之季  
人

畿既退，畿嘆曰：孝懿無子，非徒無子，殆將無家。君謀為不死也。其子足以繼其業。時人以畿為誤。及豐死而冲為郡守，卒繼父業。○正始中，玄及何晏、鄧颺俱有盛名，欲交傅嘏。嘏不受。荀粲怪而問之。嘏曰：泰初志大其量，能合虛聲而無實才。何平叔言遠而情近，好辨而無誠。所謂利口覆邦國之人也。鄧玄茂外要名利，內無關鑰，貴同惡異，多言而妬前，多言多釁。妬前無親，以吾觀此三人，皆將敗家。遠之猶恐禍及，况昵之乎。嘏又以豐不善，謂同志曰：豐飾偽而多疑，矜小智而昧於權利。若任機事，其死必矣。

**集覽** 斷客 猶言

絕交也。斷徒管反。以后父家居，緝以張后父故，不得仕。子元司馬師字，子上司馬昭字。下



辭屈服之辭也孝懿李恢字豐之父君謀郭智字貴同惡異喜人與已同惡人與已異

**質實**

季豐建寧人樂浪郡名注見武帝元封二年朝鮮杜畿杜陵人東安郡名注見

靈帝熹平三年富春傅嘏泥陽人泰初夏侯玄表字平叔何晏表字玄茂鄧颺表字東市

注見晉元帝太興元年

**書法**

書臣子廢其后自司馬師始綱目書后為臣所廢三魏張后晉賈后羊后

**發明**

豐等書殺而皆不去其官所以正司馬師之罪然不予其謀誅師者何耶

虛名無實之人非能仗義有為特足以殺其軀而已何足貴哉此固書法之意也